

唐
音
統
籤

戊籤七十二皮日休之三 唐音統籤卷

六百八十四

五言古詩三

吳中苦雨因書一百韻寄魯望

全吳臨巨溟百里到滬瀆海物競駢羅水怪爭滲
漉狂蜃吐其氣千尋勃然感一刷半天墨架爲歛
危屋怒鯨瞪相向吹浪山穀穀倏忽腥杳冥須臾
坵崖谷帝命有嚴程慈物敢潛伏嗟之爲玄雲彌
巨千萬幅直拔倚天劍又建橫海纛化之爲暴雨
深深射平陸如將月窟寫似把天河撲著樹勝戟
支中人過箭鏃龍光餘閃照虬角搗瑋觸此時一

千里平下天台瀑雷公恣其志礮礮裂電目蹋破
霹靂車折却三四輻雨工避罪者必在蚊睫宿狂
發鏗訶音不得懈怠侈頃刻勢稍止尚自傾蕪蕪
不敢履沔處恐蹋爛地軸自爾凡十日茫然晦林
麓只是遇滂沱少曾逢霖霖伊予之解宇古製拙
卜築顏簷倒菌黃破砌頑莎綠只有方丈居其中
踏且蹋朽處或似醉漏時又如沃塔前平泛濫墻
下深越越唯堪着簷笠復可乘船宿鷄犬並淋漓
兒童但咿噢勃勃生濕氣人人牢於鍋鬚眉漬將
斷肝膈蒸欲熟當庭死蘭芷四垣盛資業解帙展

斷書拂牀安壞櫃。跳梁老蛙鼃直向床前浴。蹲前
但相聒似把白丁辱。空厨方欲炊瀆米未離簞薪
蒸濕不着白晝須燃燭。汗來旣已溽買魚不獲鰕
竟未成麥饘安能得梁肉更有陸先生荒林抱窮
感壞宅四五舍病篠三兩束葢簷低砌首蘚地滑
澆足注欲透承塵濕難庇厨麓低摧在圭竇素漠
拋偏褻手指旣已胼肌膚亦將瘕一苞勢欲侈將
撐乏寸木盡日欠束薪經時無斗粟螭螾將入甑
螿蟻已臨鑊嬌兒未十歲愕然自啼哭一錢買糶
救數里走病僕破碎舊鶴籠狼籍晚蚕簇千卷素

書外此外無餘蓄着處紵衣裂戴次紗帽醜惡陰
潛過午未及烹葵菽吳中銅臭戶七萬沸如臙齏
止甘蟹鱠侈惟僭車服肯希尉吏肯盡怕里胥錄
低眉事庸奴開顏納金玉唯到陸先生不能分一
斛先生之志氣薄漢如鴻鵠遇善必擊跪見才輒
馳逐廉不受一芥其餘安可黷如何鄉里輩見之
乃蜷縮粵予苦心者師仰但踖踖受易既可注請
玄又堪卜百家皆搜蕩六藝盡翻覆似餒見太牢
如迷遇華燭半年得誦唱一日屢往復三秀間糧
秀九成雜巴濮奔命旣不暇乞降但相續吟詩口

吻嚙把筆指節瘵君才既不窮吾道由是篤所益
諱弘多厥交過親族相逢似丹漆相望如朧朧論
業敢並驅量分合繼躅相違始兩日忡忡想華褱
出門泥漫漶恨無直轅輦十錢賃一輪邊上鳴斛
觶赤脚枕書帙訪予穿詰曲入門且抵掌大噱時
碌碌滋淋旣浹旬無乃害九穀予惟餓不死得非
道之禍手中捉詩卷語快還共讀解帶似歸來脫
巾若沐浴踈如松間篁野甚麋對鹿行譚弄書籤
臥話枕棋局呼童具盤食撤衣換鷄鶩或蒸一升
麻或燂兩把菊用以閱幽奇豈能恣口腹十分煎

卓盧

廣州記卓盧茗之別名出西平縣葉大而滋南人以爲飲

半榼攬鄴隸高

談繁無盡畫漏何太促我公大司諫一切從民欲
梅澗侵束杖和氣生空獄而民當斯時不覺有煩
濟念滂爲之災拜神再三告太陰霍然收天地一
澄肅燔灸旣芬芬威儀乃聖翬須權元化柄用拯
中夏酷我願薦先生左右輔司牧茲雨何足云唯
思舉顏歎

魯望讀襄陽耆舊傳見贈五百言過褒庸材

靡有稱是然襄陽曩事歷歷在目夫耆舊傳
所未載者漢陽王則宗社元勳孟浩然則文

章大匠予次而贊之因而寄答亦詩人無言
不訓之義也次韻

漢水碧於天南荆廓然秀廬羅遵古俗鄢郢迷昔
園幽竒無得狀巉絕不能究興替忽矣新山川悄
然舊斑斑生造士一一應玄宿巴庸乃嶮岨屈景
寔豪右是非既自分涇渭不相就聖自靈均來清
才若天湫偉哉澗上隱卓爾登中樞始將麋鹿狎
遂與麒麟鬪萬乘不可謁千靈固非茂爰從景升
死境上多兵候檀溪試戈船峴嶺屯貝冑寂寞數
百年質唯包礫琇上玄賞唐德生賢命之授是爲

漢陽王帝曰俞爾奏巨德聳神鬼宏才轅前後勢
端唯金莖質古乃玉豆行葉蔭大椿詞源吐洪溜
六成清廟音一柱明堂構在昔房陵遷圓穹正中
漏繁王揭然出上下拓宇宙俯視三事者駉駉若
童幼低摧護中興若鳳視其殼遇險必伸足逢誅
將引脰旣正北極尊遂治衆星謬重聞章陵幸再
見岐陽狩日似新刮膜天如重熨縹易政疾似欬
求賢甚於購化之未暮年民安而國富翼衛兩舜
趨鈞陳十堯驟忽然遺相印如羿卸其殼姦倖卻
乘釁播遷遂終壽遺廟屹峰嶸功名紛組繡開元

文物盛孟子生荆岫斯文縱竒巧秦璽新雕鏤甘
窮臥牛衣受辱對狗竇思變如易爻才通似玄首
秘於龍官室怪於天篆籀知者競欲戴嫉者或將
詬任達且百觚遂爲當時陋旣作才鬼終恐爲仙
籍售子生二賢未得作升本欲兼濟與獨善俱敢
懷其臭江漢稱炳靈克明嗣清晝繼彼欲爲三如
醜如醇酎旣見陸夫子驚心卻伏廐結彼世外交
遇之於邂逅兩鶴思競閒雙松格爭瘦唯恐別仙
才連健涕襟袖

魯望昨以五百言見貽適有褒美內端庸陋

懶惜懷悚因成一干言上述吾唐文物之盛
次叙相得之歡亦迭和之微旨也

三取意精氣生自蒼頡前粵從有文字精氣銖於
綿册以揚墨後文詞縱橫顛元符富材衡建安儼
英賢厥祀四首餘作者如排穿五馬渡江日羣魚
食蒲年大風蕩天地萬陣黃鬚羶縱有命世才不
如一空參後至陳隋世得之拘且縵太浮如歛澗
太細如蝼蟻太亂如麀麀太輕如芊芊流之爲陶
管變之爲游岐百足離云聚不救殺馬絃君臣作
降虜北走如懶豫所以末字妖致其國朝遷吾唐

葦其弊取士將科縣文星下爲人洪秀蜜於縵太

紫宸扉來者皆詳延日晏朝不能龍姿歎轉轉

音田呂反春秋於焉周道反由是秦法俊射洪陳

子昂其聲亦喧闐惜哉不得時將奮猶拘攣玉壘

李太白銅隄孟浩然李寬包堪輿孟澹擬摘漣埋

骨采石曠留神鹿門挺俾其羈於死實覺天地孱

猶與子美思不盡如轉輪音縱爲三十車一字不

可捐旣作風雅主遂司歌詠權誰知耒陽土埋卻

真神仙當於李杜際名輩或泝泐良御非異馬由

弓非他弦其物無同異其人有媼妍自開元至今

宗匠紛如煙爽若沆瀣英高如崑崙巔百家鬻浮
說諸子率寓篇築之爲京觀解之爲牲牲各持天
地維率意東西牽競抵元化首爭扼真宰咽或作
制誥藪或爲宮體淵或堪被金石或可投花鈿或
爲輿隸唱或被兒童憐烏曼虜亦寫雜林夷爭傳
披揭覆載樞押闢神異鍵力掀尾閭立鬼軋大塊
旋降氣或若虹耀影或如薤萬象瘡復瘡百靈瘡
且癩謂乎數十公筆若明堂椽其中有擬者不絕
當如綆齊驅不讓策並駕或爭駢所以吾唐風直
將三代甄被此文物盛由乎聲詩宣採彼風人譟

輜軒輕似鷗麗者固不捨鄙者亦爲銓其中有鑒
戒一一堪雕鐫乙夜以觀之吾君無釋焉遂命大
司樂度之如星躔播于樂府中俾爲萬代鐫吹彼
圓丘竹誦茲清廟絃不惟娛列祖兼可格上玄粵
予何爲者生自江湖墮駉駉自慙角不甘耕一壟
諸昆藉倉庫謂我死道邊何爲不力農稽古真可
罵遂與襤褸着兼之簞笠全風吹蔓草花颺颺盈
荒田老牛瞪不行力弱誰能鞭乃將耒與耜並換
槩與鉛闕彼圖籍肆致之千百編携將入蘇嶺
別不就無出緣堆書塞低屋添硯涸小泉對燈任

髻藝憑案從肘研苟無切玉刀難除指上脍爾來
五寒暑試藝稱精專昌黎道未著文教如欲騫其
中有聲病於我如颺音天羅語是敢驅頽波歸

不正貌

之於大川其文如可用不敢佞與便明水在藁稭
大羹臨豆籩將來示時人狹狹垂嚙涎亦或尚華
纒亦曾爲便嬛亦能制瀨瀨亦解攻翩翩唯思逢
陣敵與彼爭後先避兵入句吳窮悴祇自跼平原
陸夫子投刺來踟躕開卷讀數行爲之加敬虔忽
竊一兩首反顧唯曲拳始來遺中憫乃敢排戈鋌
或爲投幟走或遭劓壘還不能收亂轍豈暇重爲

算雖然未三北亦可輪千鏤

丑專反尚書云贖罪千鏤

向來說

文字爾汝名可聯聖人病沒世不患窮而躋我未
九品位君無一囊錢相逢得何事兩籠調唱賤無
顏解媮合底事居冗員方知萬鍾祿不博五湖船
夷險但明月死生應白蓮吟餘凭几飲釣罷隈蓑
眠終拋岷山業相共此留連

和魯望讀陰符經見寄

三百八十言出自伊祁氏上以生神仙次云立仁
義玄機一以發五賊紛然起結爲日月精融作天
地隨不測似陰陽難名若神鬼得之昇高天失之

沉厚地具茨雲木老大塊烟霞委自顛頊以降賊
爲聖人軌堯乃一廢人得之賊帝摯摯見其德尊
脫身授其位舜唯一鯀民冗冗作什器得之賊帝
堯自丁作天子禹本刑人後以功繼其嗣得之賊
帝舜用以平涿水自禹及文武天機惓然弛姬公
樹其綱賊之爲聖智聲詩川競大禮樂山爭峙爰
從幽厲餘宸極若孩稚九伯真犬豕諸侯實虎兕
五星合其耀白日下闕里由是聖人生於焉當亂
紀黃帝之五賊捨之若青紫高揮春秋筆不可刊
一字賊子虐甚斯姦臣痛於箠至今千餘年蚩蚩

受其賜時代更復改刑政崩且侈予將賊其道所
動多訛毀叔孫與臧倉賢望多如此如何黃帝機
吾得多坎躓繼失生前祿亦多身後利我欲賊其
名垂之于萬祀

二遊詩 并序

吳之士有恩王府參軍徐修矩者守世書萬卷
優游自適余假其書數千卷未一年悉償風志
酣飲經史或日晏忘飲食次有前涇縣尉任晦
者其居有深林幽沼危亭曲榭余並次以見之
或退公之暇不造以息焉林泉隱事恣用研詠
大凡游于二君宅無決旬之間因作詩以留贈
名之曰二遊
兼寄陸魯望

徐詩

東莞爲著姓奕代皆雋喆強學取科第名聲盡孤
揭自爲方州來清操稱凜烈唯寫墳籍多必云清
俸絕宜毫利若風劍紙光於月札吏指欲胼萬通
排未闕樓船若夏屋欲載如堙塙轉徙入吳都縱
橫礙門闔纏囊輕似霧緇帙殷於血以此爲基構
將斯用貽厥重於通侯印貴卻全師節我愛參卿
道承家能介濶潮田五萬步草屋十餘窠微官不
能去歸來坐如削保茲萬卷書守慎如羈縻念我
曾苦心相逢無間別引之看秘寶任得窮披閱軸
閒翠鈿制籤古紅牙折帙解帶芸香卷開和桂屑

梳兼石鋒刃櫟共松瘡癩一臥寂無誼數編看盡
微或携歸解宇或把穿林樾挈過太湖風抱宿支
側雪如斯未皇紀悉得分毫末剪除幽僻藪滌蕩
玄微窟學海正狂波予頭向中顛

音沒納頭
水中也

聖人

愚不學垂誠尤爲切苟昧古與今何殊瘖共矚五骨
反昔之慕經史有以傭筆札何況遇斯文借之不
曾輟吾衣任穀纏吾食甘糠覈其道苟可光斯文
那自伐何竹青堪殺何蒲重好截如能盈兼兩便
足訓飢渴有此競苟榮聞之兼可噦東臯耨烟雨
南嶺提薇蕨何以謝徐君公車不聞設

任詩

任君恣高放，斯道能寡合。一宅開林泉，終身遠囂
雜。嘗聞佐浩穰，散性多僛僣。上五蓋反下音歛爾

者不著事貌

歛爾

解其綬遺之，如棄鞶歸來鄉。黨內卻與親朋洽，開
溪未讓丁列第。方稱甲入門，約百步古木聲震震。
廣檻小山欹斜廊，怪石夾白蓮。倚欄楯翠鳥綠簾，
押地勢似五瀉巖。形若二峽猿眠，但膺膺鳧食時。
噉咬撥荇下文竿，結藤縈桂檝。門留鑿樹客，壁倚
栽花鋪度歲。止褐衣經旬，唯白帽多君。方閉戶，顧
我能倒屣請題在茅棟，留坐於石榻。魂從清景迢

衣任烟霞裒堦墀龜任上枕席鷗方狎沼似頗黎
鏡當中見魚眨杯杓悉衫癩盤筵盡荷葉閒斟不
置罰閒弈無爭劫閒日不整冠閒風無用筴以斯
爲思慮吾道寧疲薶袞衣競縱繚鼓吹爭鞞鞞欲
者解擠排者能詰譎權豪暫翻覆刑禍相填歷
此時一圭竇不肯僂閭闔有第可棲息有書可漁
獵吾欲與任君終身以斯慙

奉詔崔璐見寄次韻

伊余幼且賤所稟自以殊弱歲謬知道有心匡皇
符意超海上鷹運跼轅下駒縱性作古文所爲皆

自如但恐才格劣敢誇詞彩敷句句考事實篇篇窮玄虛誰能變羊質競不獲驪珠粵有造化手曾開天地鑪文章鄴下秀氣貌淹中儒展我此志業期君持中樞蒼生眼穿望勿作磻溪謨

戊籤七十二皮日休之四

唐音統籤卷

六百八十五

五言古詩四

和魯望漁具十五詠

網

晚挂溪上網
暎空如霧縠
閒來發其機
旋旋沉平
綠下處若烟
雨牽時似崖
谷必若遇鯤
鮪從教通
一目

草

芒鞋下葑中
步步沈輕罩
旣爲菱浪颺
亦被蓮泥
膠人立獨無
聲魚煩似相
抄滿手擲霜
鱗思歸舉

輕棹

出

煙雨晚來好東塘下
出去網小正星蘓舟輕欲騰
翫誰知荇藻後恰值魚多處
浦口更有人停橈一
延疇

釣筒

籠籊截數尺標置能幽絕
從浮笠澤烟任臥桐江
月綵隨碧波漫餌逐清灘
發好是趁筒時秋聲止
清越

釣車

得樂湖海志不厭華軒小月中拋一聲驚起灘上
鳥心將潭底測手把波文裊何處覓奔車平波今
渺渺

漁梁

波際插翠筠離離似清籟遊鱗到溪口入此無逃
所斜臨楊柳津靜下鷓鴣侶編此欲何之終焉富
春渚

叉魚

列炬春溪口平潭如不流照見游泳魚一一如清
畫中目碎瓊碧毀鱗殷組纒樂此何太荒居然愧

川后

射魚

注矢寂不動澄潭暗轉烘下窺見魚樂悅若翔在
望驚羽決凝碧傷鱗浮殷紅堪將指杯術授與太

湖公

鳴榔

盡日平湖上鳴榔仍動爍丁丁入波心澄徹和清
響鶯聽獨寂寞魚驚昧來往盡水無所逃川中有
鉤黨

滬

波中植甚圓礫礫如鰓鬚濤頭條爾過數頃跳鱗
鱗音逋不是細羅密自爲朝夕驅空憐指魚命遣
出海邊租

簪

伐彼槎葉枝放於冰雪浦游魚趁煖處忽爾來相
聚徒爲棲託心不問庇蔭主一旦懸鼎鑊禍機真
自取

種魚

移土湖岸邊一半和魚子池中得春雨點點活如
蟻一月便翠鱗終年必頰尾借問兩綬人誰知種

魚利

藥魚

吾無竭澤心何用藥魚藥見說放溪上點點波光
惡食時競夷猶死者爭紛泊何必重傷魚毒經猶
可作

舴艋

濶處只三尺翛然足吾事低篷挂釣車枯蚌盛魚
餌只好携橈坐唯堪蓋簑睡若道遂平生舴艋不
如是

笠簪

朝空冬箸去暮實冬箸歸歸來倒卻魚挂在幽窓
扉但聞鰕蜺氣欲生蘋藻衣十年佩此處烟雨苦
霏霏

添漁具詩 并序

天隨子爲魚具詩十五首以遺予凡有戲已來
術之與器莫不盡於是也噫古之人或有溺於
漁者行其術而不能言用其器而不能狀此與
澤助之戲者又何異哉如吟魯望之詩想其致
則江風海雨檝檝生齒牙間眞世外漁者之才
也余昔之漁所在湖上則爲菴以守之居峴下
則占磯以待之江漢間時候率多雨唯以簦笠
白鹿每伺魚必多僮簦笠不能庇其上由是織
篷以障之上抱而下仰字之曰背蓬今觀魯望
之十五篇未有是作因次而詠之以補其所
遺者漁家生具獲
足於吾屬之文也

魚菴

菴中只方丈，恰稱幽人住。枕上悉魚經，門前空釣具。束竿時倚壁，晒網還侵戶。上澗有楊顛，須留往來路。

釣磯

盤灘一片石，置我山居足。窪處著筍篔，桂苑云取鰕具竅中維船艖。多逢沙鳥污，愛被潭雲觸。狂奴臥此多，所以踏帝腹。

蓑衣

一領蓑正新，着來沙塢中。隔溪遙望見，疑是綠毛

翁襟色裏襟

直葉反

靄袖香攤襪風前頭不施袞何

以爲三公

考

第笠

圓似寫月寬輕如織烟翠泔泔向上雨不亂窺魚
思携來沙日微挂處江風起縱帶二梁冠終身不
忘爾

背蓬

儂家若蓬樣似箇大龜甲兩中踟躕時一向聽霎
霎甘從魚不見亦任鷗相狎深擁竟無言空成睡

胸船

上虛勾反
下虛甲反

奉和樵人十詠

樵黠

何時有此谿應便生幽木橡實養山禽藤花蒙澗
鹿不止產蒸薪願當歌械樸君知天意無以此安
吾族

樵家

空山最深處太古兩三家雲蘿共夙世猿鳥同生
涯衣服濯春泉盤餐烹野花居茲老復老不解嘆
年華

樵叟

不曾照青鏡豈解傷華髮至老六息肩至今無病
骨家風是林嶺世祿爲薇蕨所以爾大夫天年爲
自伐

樵子

相約晚樵去跳踉上山路將花餌鹿麕以果投猿
父束薪白雲濕負擔春日暮何不壽童烏果爲玄
所誤

樵徑

蒙籠中一徑繞在千峰裏歇處遇松根危中值石
齒花穿泉衣落雲拂芒鞋古行此途不聞顛

與陸

樵斧

腰間插大柯直入深林裏空林伐一聲幽鳥相呼
起倒樹去李父傾巢啼木魅不知仗鉞者除害誰
如此

樵擔

不敢量樵重唯知益薪束軋軋下山時彎彎向身
曲清泉洗得潔翠靄侵來綠看取荷戈人誰能似
吾屬

樵風

野船渡樵客東往平波中縱橫清颺吹旦暮歸期
同蘋花惹衣白蓮影涵薪紅吾當請封爾直作鏡
湖公

樵火

山客地爐裏燃薪如陽輝松膏作滌思有反澗杉子
爲珠璣響誤擊刺關燭疑慧宇飛傍邊煖白酒不
覺瀑水垂

樵歌

此曲太古音由來無管奏多云採樵樂或說林泉
候一唱凝閉雲再謠悲願歌若遇採詩人無辭收

酒中十詠

并序

鹿門子性介而行獨於道無所全於才無所全於進無所全於退無所全於天民之蠢者耶然進之與退天行未覺于余也則有窮有厄有病有殆果安而受邪未若全於酒也夫聖人之誠酒禍也大矣在書爲沈湎在詩爲童羗在禮爲豢豕在史爲狂藥余飲至酣徒以爲融肌柔神消沮迷喪顏然無思以天地大順爲隄封傲然不特以洪荒至化爲爵賞抑無懷氏之民乎萬天之爲也若余者于物無所斥於性有所適真全於酒者也噫天之不全余也多矣獨以麴蘖全之抑天猶幸於遺民焉太玄曰君子在玄則正在禍則窮余之於酒得其樂人之於酒得其禍亦若是而已矣於是徵其真悉爲之詠用繼東臯子酒誥之後夫酒之始名天有星地有泉人

有鄉今總而詠之者亦古人初終必全
之義天隨子深于酒道寄而請之和

酒星

誰遣酒旗耀天文列其位彩微嘗似酣芒弱偏如
醉唯憂犯帝座只恐騎天駟若遇卷舌星讒君應
墮地

酒泉

羲皇有玄酒滋味何太薄玉液是澆漓金沙乃糟
粕春從野鳥沽晝任閒猿酌我願葬茲泉醉寃似
鳧躍

酒菊

翠篾初織來或如古魚器新從山下買靜向甌中
試輕可網金醅踈能容玉蟻自此好成功無貽我
聾聵

酒牀

糟牀帶松節酒膩肥於玗滴滴連有聲空疑杜康
語開眉旣壓後染指偷嘗處自此得公田不過渾
種黍

酒壚

紅壚高幾尺頗稱幽人意火作縹醪香灰爲冬醴
氣有鎗盡龍頭有主皆犢鼻倘得作杜根傭保何

足愧

酒樓

鉤楯跨通衢喧鬧當九市金罍激灑後玉竿紛綸
起舞蝶傷應酣啼鶯聞亦醉野客莫登臨相讐多
失意

酒旗

青幟濶數尺懸於往來道多爲風所颺時見酒名
號拂拂野橋幽幽翻翻江市好雙眸復何事終竟望
君老

酒樽

月正第金
犧樽一何古我抱期幽客少恐消醞醑滿擬烘琥
珀猿窺曾撲瀉鳥踏經歌及度度醒來看皆如死
生隔

酒城

萬仞峻爲城沈酣浸其俗香侵井幹過味染濠波
淶朝傾踰百榼暮壓幾千斛吾得隸此中但爲關
者足

酒鄉

何人置此鄉杳在天皇外有事忘哀樂有時忘顯
晦如尋罔象歸似爲希夷會從此共君遊無煩用

冠帶

奉和添酒中六詠

酒池

八齊競奔住不知深幾丈竹葉鳥紆徐
鳧花波蕩

漾

鳧花酒名出梁簡文帝集

醺應爛地軸浸可柔天壤以此獻

吾君願銘於几杖

酒龍

銅爲蚶螺鱗鑄作繞鰓角吐處百壘雷瀉時千丈
壑初疑潛苑囿忽似拏寥廓遂使銅雀臺香消野
花落

酒甕

堅淨不苦窳陶於醉封疆臨溪刷舊痕隔屋聞新
香移來近麴室倒處臨糟牀所嗟無比鄰余亦能
偷嘗

酒船

剡桂復剡蘭陶陶任行樂但知涵泳好不計風濤
惡嘗行麴封內稍繫糟丘泊東海如可傾乘之就
斟酌

酒槍

象鼎格仍高其中不烹飪唯將煮濁醪用以資酣

飲偏宜旋樵火稍近餘醒枕若得伴琴書吾將著
閒品

酒杯

昔有稽氏子龍章而鳳姿手揮五絃罷聊復一樽
持但取性澹泊不知味醇醪茲器不復見家家唯
玉卮

茶中雜詠

并序

案周禮酒正之職辨四飲之物其三曰漿又漿
人之職共王之六飲水漿醴涼醫醕入于酒府
鄭司農云以水和酒也蓋當時人率以酒醴爲
飲謂乎六漿酒之屬者也何得姬公製爾雅云
饋苦茶卽不類而飲之豈聖人純于用手抑草
木之濟人取捨有時也自周已降及于國朝茶

事竟陵子陸季疵言之詳矣然季疵以前稱名
飲者必渾以烹之與夫淪蘗而啜者無異也季
疵之始爲經三卷由是分其源制其具教其造
設其器命其煮俾飲之者除病而去癘雖疾醫
之不若也其爲利也於人豈小哉余始得季疵
書以爲備矣後又獲其韻渚山記二篇其中多
茶事後又太原溫雲武威段鴉之各補茶事
十數節並存于方冊茶之事由周至于今竟無
纖遺矣昔晉杜育有姪試季疵有茶歌余缺然
于懷者謂有其具而不形于詩亦季疵之餘恨
也遂爲十詠

寄天隨子

茶塢

開尋堯氏山遂入深深塢種薜已成園栽葭寧記
畝石窪泉似掬巖磳雲如縷好是夏初時白花滿

烟雨

茶經云其花
白如薔薇

茶人

生於顧渚山老在漫石塢語氣爲茶薜衣香是烟

霧庭從懶子遮

懶女取反其木如玉色渚人以爲杖

果任孺師虜日

晚相笑歸腰間佩輕篋

茶筍

褒然三五寸生必依巖洞寒恐結紅鉛煖疑銷紫
承圓如玉軸光脆似瓊英誇每爲遇之踈南山挂
幽夢

茶籬

篋筍曉携去驀個山桑塢開時送紫茗負處沾清

露歇把傍雲泉歸將挂烟樹滿此是生涯黃金何足數

茶舍

陽崖枕白屋幾口嬉嬉沽棚上汲紅泉焙前蒸紫
蕨乃翁研茗後中婦拍茶歇相向掩柴扉清香滿
山月

茶竈

南山茶事動竈起巖根傍水煮石髮氣薪然杉脂
香青瓊蒸後凝綠髓炊來光如何重辛苦一一輪
高粱

茶焙

鑿彼碧巖下，恰應深二尺。泥易帶雲根，燒難碍石脉。初能燥金餅，漸見乾瓊液。九里共杉林，皆焙名相望在山側。

茶鼎

龍舒有良匠，鑄此佳樣成。立作菌蠢勢，煎爲潺湲聲。草堂暮雲陰，松窓殘雪明。此時勺複茗，野語知逾清。

茶甌

邢客與越人，皆能造茲器。圓似月魂墮，輕如雲氣

起棗花勢旋眼蘋沫香沾齒松下時一看支公亦如此

煮茶

香泉一合乳煎作連珠沸時看蟹目濺乍見魚鱗起聲疑松帶雨餽恐烟生翠儻把瀝中山必無干日醉

追和虎丘寺清遠道士詩兼次本韻 并序

聖人爲春秋凡諸侯有告則書無告則不書蓋所以懲其僞而教其實也夫怪之與神雖曰不言有傳則書之者亦據其實而爲之也若然者神之與怪果安無邪意聖賢有不得其志者則必垂之於言也大則爲經浩小則爲詞詠蓋不信於當時則取愬於後世抑鬼神有生不得其

志者死亦然邪若憑而宣之則石言乎晉物吐
于宋是也若夢而辨之則良夫有昆吾之歌聲
伯有瓊瑰之謠是也自茲已後人倫不修神藻
益穢在若人者悟之則爲瑞逆之則爲妖其冥
颯昧轉時出於世者則與驪人狎客往往效於
忽微焉虎丘山有清遠道士詩一首其所稱自
殷周而歷秦漢迄于近代抑二千年末以鬼神
自謂亦神怪之甚者格之以清健飾之以俊麗
一句一字若奮若搏彼建安詞人倘在不得居
其右矣顏太師魯公愛之不暇遂刻于巖際并
有繼作李太尉衛公欽清遠之高致慕魯公之
素尚又次而仰之顏之叙事也典李之屬思也
麗並一時之寡和又幽獨君詩二首亦甚奇愴
予嗜古者觀而樂之因總而爲和答幽獨君一
篇不知孰氏之作其詞古而悲亦存于篇末太
玄曰大無方易無時然後爲鬼神也噫清遠道
士果鬼神乎抑道家者流乎抑隱
君子乎詞則已矣人則吾不知也

成道自衰周避世窮炎漢荆杞雖云梗煙霞尚容

犀茲岑信靈異吾懷甌流石澗古鐵鉏嵐重輕
埃漫松膏膩幽徑蘋沫著孤岸諸蘿幄幕晴衆鳥
陶匏亂巖罅地中心海光天一半玄猿行列歸白
雲次第散蟾蜍生夕景沆漑餘清旦風日採幽什
墨客學靈翰嗟予慕斯文一詠復三歎顯晦雖不
同茲吟粗堪讚

追和幽獨君詩次韻二首

恨劇但埋土聲幽難放哀墳古春自晚愁緒空崔
嵬白楊老無花枯根侵夜臺天高有時裂川去何
時迴雙睫不能濡六藏無可摧不聞舉蓬事何必

深悲哉

念爾風雅鬼幽咽猶能支空令傷竟鳥啼破山邊
墳

七言古詩

苦雨雜言寄魯望

松陵集

吳中十日泔泔雨歎蒸庖下豪家苦可憐臨頓陸
先生獨自翛然守環堵兒飢僕病漏空厨無人肯
典破衣裾蠹羸時時上几案鼃鼠往往跳琴書桃
花米斗半百錢枯荒濕壞炊不然兩床菡席一素
几仰臥高聲吟太玄知君志氣如鐵石甌冶雖神

銷不得乃知苦雨不復侵枉費畢星無限力鹿門
人作州從事周章似鼠唯知醉府金廩粟虛請來
憶著先生便知愧愧多饋少真徒然相見唯知携
酒錢豪華滿眼語不信不如直上天公牋天公牋
方修次且榜鳴蓬來一醉

石榴歌

范東生
本補

蟬噪秋枝槐葉黃石榴香老愁寒霜流霞包染紫
鸚粟黃蠟紙裹紅剝房玉刻冰壺含露濕爛斑似
帶湘娥泣蕭娘初嫁嗜甘酸嚼破水精千萬粒

戊籤七十二皮日休之五

唐音統籤卷

六百八十六

五言律詩

旅舍除夜

文苑

永夜誰能守羈心不放眼挑燈猶故歲聽角已新年
出谷空嗟晚銜杯尚愧先晚來辭逆旅雪涕野
槐天

遊棲霞寺

文苑英華補

不見明居士空山但寂寥白雲生處久缺青靄坐來
銷泉冷無三伏松枯有六朝
時石上月相對論
逍遙

早春病中書事寄魯望

以下松陵集

眼暈見雲母耳虛聞海濤
情春狂似蝶養病蹀於
獮案靜方書古堂空
築氣高可憐真宰意
偏解困吾曹

又寄次魯望韻

病根冬養得春到一時
生眼暗憐晨慘心寒怯
夜清妻仍嫌酒癖醫
只禁詩情應被高人笑
憂身不似名

秋晚留題魯望郊居二首

竹樹冷澹落入門
神已清寒蛩傍枕
響秋菜上墻

生黃犬病仍吠白驢飢不鳴唯將一杯酒盡日慰
劉禎

冷臥空齋內餘醒夕未消秋花如有恨寒蝶似無
繆簷上落鬪雀籬根生晚潮若論羈旅事猶自勝
臯橋

臨頓

名里

爲吳中偏勝之地陸魯望居之不出

郭廓曠若郊墅余每相訪欸然惜去因成五
言十首奉題屋壁

一方蕭灑地之子獨深居繞屋親栽竹堆牀手寫
書高風翔砌鳥暴雨失池魚暗識歸山計村邊買

鹿車

籬疎從綠槿簷亂任黃茅
壓酒移谿石煎茶拾野
巢靜窓縣雨笠閒壁挂烟
匏支遁今無骨誰爲世
外交

繭稀初上簇醅盡未乾牀
盡日留蠶母移時祭麴
王赴泉澆竹急候雨種蓮
忙更葺園中景應爲顧
辟疆

靜僻無人到幽深每自知
鶴來添口數琴到益家
資腹墜生魚沫頽簷落燕
兒空將綠蕉葉來往寄
閣詩

夏過無擔石日高開板扉僧雖與筒簞人不典蕉
衣鶴靜共眠覺鷺馴同釣歸生公石上月何夕約
譚微

經歲岸烏紗讀書三十車水痕侵病竹蛛網上衰
花詩任傳漁客衣從遙酒家知君秋晚事白幘刈
胡麻

寂歷秋懷動蕭條夏思殘久貧空酒庫多病束魚
竿玄想凝鶴扇清齋拂鹿冠夢魂無俗事夜夜到
金壇

閉門無一事安穩臥涼天砌下翹飢鶴庭陰落病

蟬倚杉閒把易燒術靜論玄賴有包山客時時寄
紫泉

病起扶靈壽翛然強到門與杉除敗葉爲石整危
根薜蔓任遮壁蓮莖臥枕盆明朝有忙事召客斲
桐孫

緩頰稱無利低眉號不能世情都太薄俗意就中
憎雲態不知驟鶴情非會徵畫臣誰奉詔來此寫
姜肱

魯望示廣文先生吳門二章情格高散可醒
俗態因追想山中風度次韻屬和存于詩

魯望之命也

我見先生道休思鄭廣文鶴翻希作伴鷗却覓爲
羣逸好冠清月高宜著白雲朝廷未無事爭任醉
醺醺

能諳肉芝樣解講隱書文終古神仙窟窮年麋鹿
羣行厨煮白石臥具拂青雲廬在雷平上支願復
半醺

和魯望四明山九題

石窓

窓開自真宰四達見蒼涯苔染渾成綺雲漫便當

紗櫺中空吐月扉際不扇霞未會通何處應鄰玉
女家

過雲

粉洞二十里當中幽客行片時迷鹿迹寸步隔人
聲以杖探虎翠將襟惹薄明經時未過得恐是入
層城

雲南

雲南背一川無鴈到峰前墟里生紅藥人家發白
泉兒童皆似古婚嫁盡如仙共作真官戶無由稅

石田

雲北

雲北晝冥冥空疑背壽星
犬能諳藥氣人解寫芝
形野歇遇松蓋醉書逢石屏
焚香住此地應得入金庭

鹿亭

鹿羣多此住因構白雲楣
待侶傍花久引麋穿竹
遲經時培玉澗盡日嗅金芝
爲在石窓下成仙自不知

樊榭

主人成刻仙故榭獨依然
石洞閑人笑松聲驚鹿

眠井香爲大藥鶴語是靈篇欲買重樓隱雲峰不
售錢

潺湲洞

陰宮何處淵到此洞潺湲敲碎一輪月鎔銷半段
天響高吹谷動勢急歎雲旋料得深秋夜臨流盡
古仙

青櫛子

山風熟異果應是供真仙味似雲腴美形如玉腦
圓銜來多野鶴落處半靈泉必共玄都檠花開不
記年

鞠侯

堪羨鞠侯國碧巖千萬重烟蘿爲印綬雲壑是提
封泉遣狙公護果教獼子供爾徒如不死應得蟻
玄蹤

五賦詩 并序

毘陵處上魏君不珠氣真而志放居毘陵凡二
紀閉門窮學是乎里民不得以師之非乎里民
不得以書之用之不難進利之彼人也於之不
難退辱非及已也噫古君子處乎進退而全者
由此道乎抑夷之隘惠之不恭不能造於是也
江南秋風時鱸肥而難釣菰脆而易脫不過乘
短舫載一鱸酒加以隱具由五瀉溼入震澤穿
松陵抵杭越耳日休嘗聞道於不珠數不求雅
物成譽思乎於是買釣船一修二丈欄三尺施
篷以鹿爛雨謂之五瀉舟天台杖一色黠而力

道謂之華頂杖有龜頭山壘石硯一高一不二寸
其物數百謂之太湖硯有桐廬養和有一怪形拳
巋坐若變去謂之烏龍養和有南嶺鯨魚殼樽
一蓋鱗角內玄外黃謂之訶陵鱗皆奇於不
琢行以資雲水之興止以益琴箬之玩真古人
之棄也因思乘韋之義不過于詞遂爲五篇
目之曰五既兼
請魯望同作

五瀉舟

何事有青錢因人買釣船
瀾容兼餌坐深許共簑
眠短好隨朱鷺輕堪倚
白蓮自知無用處
寄五湖仙

華頂杖

金庭仙樹枝
道客自携持
探洞求丹粟
挑雲覓白

芝量泉將濯足
闌鶴把支頤
以此將爲贈
唯君
得知

太湖硯

求於花石間
怪狀乃天然
中瑩五寸劍
外差千疊
蓮月融還似
洗雲濕便堪
研寄與先生
後應添內
外篇

烏龍養和

壽木拳數尺
天生形狀幽
孔疑傷虺節
用恐破蛇
窟置合月觀
內買須雲肆
頭料
攜去處烟雨
太湖舟

訶陵樽

一片鱉魚殼其中生翠波
買須能紫貝用合對紅螺
盡瀉判狂藥禁敲任浩歌
明駟與君後爭那玉
山何

初冬章上人院

寒到無妨睡僧吟不廢禪
尚關經病鶴猶濾欲枯泉
靜案貝多紙閒爐波律烟
清譚兩三句相向自
翛然

五言排律

新秋言懷寄魯望三十韻

新秋入破宅踈澹若平郊戶牖深如窟詩書亂似
巢移牀驚蟋蟀拂匣動蠨蛸靜把泉華掬閨拈乳
管敲檜身渾箇矮石面得能頤小桂如拳葉新松
似乎稍鶴鳴轉清角鶻下撲金鷄合藥還慵服爲
文亦懶抄煩心入夜醒疾首帶涼抓杉葉尖於鏃
藤絲韌似鞞債田含紫芋低蔓隱青匏老柏渾如
疥陰苔忽似膠王餘落敗壘胡孟入空庖度日忘
冠帶經時憶酒肴有心同木偶無舌並金鏡興欲
添玄測狂將換易爻達人唯落落俗士自譏譏底
力將排難何顏用解嘲欲銷毀後骨空轉坐來胞

猶預應難抱狐疑不易包等閒逢毒蕊容易遇咆
哮時事方千蝟公途正二嶠名微甘世棄性拙任
時拋白日須投分青雲合定交仕應同五柳歸莫
捨三茅澗鹿從來去烟蘿任澗殺狙公閑後戲雲
母病來蘄從此居方丈終非競十笮道窮應鬼遣
性拙必天教無限踈慵事憑君解一炮

奉和魯望秋日遣懷次韻

高蹈爲時背幽懷是事兼神仙君可致江海我能
淹共守庚辰夜同看乙巳占藥囊除紫蠹丹竈拂
紅鹽與物深無競於生亦太廉鴻災因足警魚禍

爲稀潛筆硯秋光洗衣巾夏蘚雷酒甌香竹院魚
籠挂茅簷琴忘因拋譜詩存爲致籤茶旗經雨展
一石笋帶雲尖鶴共心情慢鳥同面色黔向陽裁白
恰終歲憶貂襜取嶺爲山障將泉作水簾溪晴多
晚鷺池廢足秋蟾破衲雖云補閉齋未辦苦共君
還有役竟夕得賦賦

江南書情二十韻寄秘閣韋校書貽之商洛
宋先輩垂文二同年

四載加前字今來未改銜君批鳳尾詔我住虎頭
巖季氏唯謀逐臧倉只擬讒時詎輕五段俗淺重

三臧瘦去形如鶴憂來態似獮才非師趙壹直欲
效陳咸孤竹寧收笛黃琮未要瑊作羊寧免狼爲
兔卽須冕枕戶槐從亞侵階草懶芟壙泉教咽咽
壘石放巉巉掣釣隨心動抽書任意欵茶教弩父
摘酒遣熨童監默坐看山困清齋飲水嚴蘚生天
竺屐烟壞洞庭帆病久新烏帽閑多着白衫藥苞
陳雨匿詩草蠹雲函遣客呼林狎辭人寄海臧室
惟搜古器錢只買秋衫寡合無深契相期有至誠
他年如訪問烟鷺暗影影

憶洞庭觀步十韻

前時登觀步暑雨正鉉從上戍看綿蕤登村度石
砧菴花時有羨溪鳥不成雙遠樹點黑稍遙峰露
碧幢巖根瘦似殼杉腹被如腔被衫綬了二音漁人服
笄簷野店窓多攜白木鐺愛買紫泉缸仙犬聲音
古遺民意緒厖何文堪緯地底策可經邦自此將
妻子歸山不姓雁言不歸故山鹿門也

諫議以罷郡將歸以六韻賜示因佇酬獻

欲下持衡詔先容解印歸露濃春後澤霜薄瘳來
威舊化堪治疾餘恩可療飢隔花攀去棹穿柳挽
行衣佐理能無取訓知力甚微空將干感淚異日

拜黃扉

武丘寺前有古杉一本形狀醜怪圍之不盡
况百卉競媚若如若媚惟此杉死抱奇節醜
然闐然不知雨露之可生也風霜之可瘁也
乃造化者方外之材乎遂賦三百言以見志
種日應逢晉枯來必自隋鷲狂將立處螭闕未開
時卓犖擲槍餘义牙束戟枝初驚蠆篆活復訝猶
狂癡勁質如堯瘦貞容學舜徽勢能擒上伯醜可
駭山祇虎爪擎巖穩虬身脫浪欹槎頭秃似刷枿
背利於錐突兀方相脰鱗皴夏氏胝根應藏鬼血

何欲漏龍髯拗似神荼怒呀如穉獠似朽癰難可
吮枯瘡不堪治一炷玄雲拔三尋黑稍竒狼頭敦
窳豎蠶尾掘擥垂目燥那逢燿心開豈中鉞任苦
爲疥癬從蠹作瘡痍品格齊遼鶴年齡等寶龜將
懷縮地力欲負拔山資未例防風骨初偃負貳屍
漆書明古本鐵室抗全師瓊礪還無極伶俦又莫
持堅應敵駿骨文定寫爐步蟾屈愁凌剌騰驥恐
攫池槍烟寒嶠嶰披蕙靜襪襪威仰誠難識勾芒
恐不知好燒胡律看堪共達多期寡色諸芳笑無
聲衆籟疑終添八柱位未要一繩維盡日來唯我

當春翫更誰他年如入用直構太平基

戊籤七十二皮日休之六

唐音統籤卷

六百八十七

七言律詩一

襄州春遊

以下文藝

信馬騰騰觸處行春風相引與詩情等閒遇事成
歌詠取次衝筵隱姓名映柳認人多錯誤透花窺
鳥最分明岑牟單絞何曾著莫道猖狂似禰衡

西塞山泊漁家

白綸巾下髮如絲靜倚楓根坐釣磯中婦桑村挑
葉去小兒沙市買簑歸雨來蓴菜流船滑春後鱸
魚墜釣肥西塞山前終日客隔波相羨盡依依

陪江西裴公遊襄州延慶寺

丹霄路上歇征輪，勝地偷閒一日身。
不署前驅驚野鳥，唯將後乘載詩人。
崑邊候吏雲遮却，竹下朝衣露滴新。
更向碧山深處問，不妨猶有草茅臣。

題雲居院玄福上人舊居

重到雲居獨悄然，隔窓窺影尚疑禪。
不逢野老來聽法，猶見鄰僧爲引泉。
龕上已生新石耳，壁間空帶舊茶烟。
南京弟子時時到，泣把山花奠几筵。

送從弟崇歸復州

羨爾優游正少年，竟陵烟月似吳天。
車螯近岸無

妨取舴艋隨風不費牽處處路傍千頃稻家家門
外一渠蓮慙慙莫笑襄陽佳爲愛南溪縮頸編

習池晨起

以下文苑
英華補

清曙蕭森載酒來涼風相引繞亭臺數聲翡翠背
人去一朵芙蓉含日開茭葉深深埋釣艇魚兒漾
漾逐流盃竹屏風下登山屐十宿高陽志却迴

襄陽閑居與友生夜會

習隱悠悠世不知林園幽事遶相期舊絲再上琴
調晚壞葉重燒酒煖遲三逕引時寒步月四鄰偷
得夜吟詩草玄寂淡無人愛不遇劉歆更語誰

秋晚訪李處士所居

門前襄水碧潺潺靜釣歸來不掩關
書閣鼠穿厨簾破竹園霜後枯
棹閣兒童不許驚幽鳥藥草須
紋上假山莫爲愛詩備念我訪君
多得醉中還

李處士郊居

石衣如髮小溪清溪上柴門架樹成
園裏水流澆竹響窓中人靜下棋聲
幾多狎鳥皆諳性無限幽花未得名
滿引紅螺詩一首劉禎失却病心情

陳先輩故居

杉桂交陰一里餘逢人渾似洞天居
千株橘樹唯

沽酒十頃蓮塘不買魚藜杖閒來侵徑竹角巾端
坐滿樓書襄陽無限烟霞地難覓幽竒似此殊

華山李鍊師所居

麻

一作花

姑古貌上仙才謫向蓮峰管玉臺瑞氣染

衣金液啟香烟映面紫文開孤雲盡日方離洞雙
鶴移時只有苔深夜寂寥存想歛月天時下草堂
來

題潼關蘭若

潼津罷警有招提近百年無戰馬嘶壯士不言三
尺劍謀臣休道一丸泥昔時馳道洪波上今日宸

唐書續錄
卷之四
居紫氣西關吏不勞重借問棄繻生擬入耶溪

南陽

昆陽王氣已蕭疎依舊山河捧帝居
廢路塌平殘瓦礫破墳耕出爛圖書
綠莎滿縣年荒後白鳥盈溪雨霽初
二百年來霸王業可知今日是丘墟

秋晚自洞庭湖別業寄穆秀才

破村寥落過重陽獨自櫻寧葺草房
風捲紅蕉仍換葉雨淋黃菊不成香
野猿偷栗重窺戶落鴈疑人更繞塘
他日若脩耆舊傳爲予添取此書堂

宏詞下第感恩獻兵部侍郎

分明仙籍列清虛自是還丹九轉疎畫虎已成翻
類狗登龍纔變卽爲魚空慙季布千金諾但負劉
弘一紙書猶有報恩方寸在不知通塞竟何如

送令狐補闕歸朝

文如日月氣如虹舉國重生正始風且願仲山居
左掖只憂徐邈入南宮朝衣正在天香裏諫草應
焚禁漏中爲說明年今日事晉廷新拜黑頭公

傷盧獻卿秀才

獻卿有愍征賦
一卷人爲作注

愍征新價欲凌空一首堪欺左太冲只爲白衣聲
過重且非青漢路難通貴侯待寫過門下詞客偷

名入卷中手弄桂枝嫌不折直教身歿負春風

襄州漢陽王故宅

碑宇依稀廟已荒猶聞耆舊憶賢王園林一半爲
他主山水虎言是故鄉戟戶野蒿生翠瓦舞樓栖
鴿汗雕梁柱天功業緣何事不得終身似霍光

鴛鴦二首

事文類聚補

雙絲絹上爲新樣連理枝頭是故園翠浪萬迴同
過影玉沙千處共棲痕若非足恨佳人魄卽是多
情年少魂應念孤飛爭別宿蘆花蕭瑟兩黃昏
鈿鏤雕鏤費深功舞妓衣邊繡莫窮無日不來湘

清上有时還在鏡湖中烟濃共拂芭蕉雨浪細雙
遊菡萏風應笑豪家鸚鵡伴年年徒被鎖金籠

開元寺客省早景卽事

以下松陵集

客省蕭條柿葉紅樓臺如畫倚霏空銅池數滴桂
上雨金鐸一聲松杪風鶴靜時來珠像側鴿馴多
在寶幡中如何塵外虛爲契不得支公此會同

夏景冲澹偶然作二首

祇隈蒲褥岸烏紗味道澄懷景便斜紅印寄泉慙
郡守青筐與笋愧僧家茗爐盡日燒松子書按經
時剝瓦花園吏暫棲君莫笑不妨猶更著南華

一室無喧事事幽還如貞白在高樓天台畫得千
廻看湖目芳來百度游湖日遊子也無限世機吟處息
幾多身計釣前休他年謁帝言何事請贈劉伶作
醉侯

所居首夏水木尤清適然有作

病來無事草堂空畫木休聞十二筒桂靜似逢青
眼客松閒如見綠毛翁潮期暗動庭泉碧梅信微
侵地障紅盡日枕書慵起得被君猶自笑從公

新秋卽事三首

癡號多於顧愷之更無餘事可從知酒坊吏到常

先見鶴料符來每探支

吳郡有鶴料案

涼後每謀清月社

晚來專赴白蓮期共君無事堪相賀又到金鑿玉

鱸時

堪笑高陽病酒徒幅巾瀟灑在東吳秋期淨掃雲

根瘦山信迴緘乳管蠶白月半窓抄木序清泉一

器授芝圖乞求待得西風起

盡去聲

挽烟帆入太湖

露槿風杉滿曲除高秋無事似雲廬醉多已任家

人厭病久還甘吏道躋青桂中箱時寄藥白綸臥

具半拋書君卿唇舌非吾事且向江南問鰓魚

寒日書齋印事三首

參佐三間似草堂恬然無事可成忙移時寂歷燒
松子盡日殷勤拂乳床將近道齋先衣褐欲清詩
思更焚香空庭好待中宵月獨禮星辰學步綱

不知何事有生涯皮褐親裁學道家深夜數甌唯
柏葉清晨一器是雲華盆池有鷺窺蘋沫石版無
人掃桂花江漢欲歸應未得夜來頻夢赤城霞

方朔家貧未有車肯從榮利捨樵漁從公未怪多
侵酒見客唯求轉借書暫聽松風生意足偶看溪
月世情疎如鉤得貴非吾事合向烟波爲五魚

有五

魚

松江

病後春思

連城錦贖麝氛氲荆思多才詠鄂君孔雀鈿寒窺
沼見石榴紅重墮階聞牢愁有度應如月春夢無
心祇似雲應笑病來慙滿願花牋好作斷腸文

秋夕文宴

得遙字

啼鬢衰葉共蕭蕭文宴無喧夜轉遙高韻最宜題
雪讚逸才偏稱和雲謠風吹翠蠟應難刻月照清
香太易消無限玄言一杯酒可能容得蓋寬饒

寒夜文宴

得泉字

分明競襲七香牋王朗風姿盡列仙盈篋共開華

頂藥滿餅同坼惠山泉蟹因霜重金膏溢橘爲風
多玉腦鮮吟罷不知詩首數隔林明月過中天

偶留羊振文先輩及一二文友小飲日休以
眼病初平不敢飲酒遣侍密歡因成四韻

謝莊初起恰花晴強侍紅筵不避觥久斷杯盃華
蓋喜忽聞歌吹谷神驚襍褻正重新開柳咕躡難
通乍囀鶯猶有僧虔多蜜炬不辭相伴到天明

夏首病愈因招魯望

曉入清和尚袷衣夏陰初合掩雙扉一聲撥穀桑
柘晚數點春鋤烟雨微貧養山禽能箇瘦病關芳

草就中肥明朝早起非無事買得蕙絲符陸機

屣步訪魯望不遇

雪晴墟里竹欹斜蠟屐徐吟到陸家荒徑掃稀堆
栢子破扉開澀染苔花壁閒定欲圖雙檜厨靜空
如飯一麻擬受太玄今不遇可憐遺恨似侯芭

訪寂上人 不遇

何處尋雲暫廢禪客來還寄草堂眠桂寒自落翻
經案石冷空消洗鉢泉爐裏尚飄殘玉篆龕中仍
鑱小金仙須將二百籤廻去得得支公恐隔年

夏初訪魯望偶題小齋

半里芳陰到陸家
藜牀相勸飯胡麻
林間度宿拋棋局
壁上經旬挂釣車
野客病時分竹米
鄰翁齋日乞藤花
踟躕未放閒人去
半岸紗綃待月華

褚家林亭

廣亭遙對舊娃宮
竹島蘿溪委曲通
茂苑樓臺低檻外
太湖魚鳥徹池中
蕭疎桂影移茶具
狼籍蘋花上釣筒
爭得共君來此住
便披鶴氅對清風

冬曉章上人院

山堂冬曉寂無聞
一句清言憶領軍
琥珀珠粘行處雪
樓閣簾掃臥來雲
松扉欲啓如鳴鶴
石鼎初

煎若聚蚊不是戀師歸去晚
陸機葦肉足毛羣

館娃宮懷古

艷骨已成蘭麝土宮墻依舊壓層崖
駑臺雨壞逢金鏃香徑泥銷露玉釵
視沼只留溪鳥浴
屨廊空信野花埋
姑蘇麋鹿真閑事
須爲當時一愴懷

宿報恩寺水閣

寺鎖雙峰寂不開
幽人中夜獨徘徊
池文帶月鋪金簾
蓮朶含風動玉杯
徃徃竹梢搖翡翠
時時杉子擲莓苔
可憐此際誰曾見
唯有支公盡看來

題支山南峰僧

雲侵壞衲重隈肩不下南峰不記年池裏羣魚曾
受戒林間孤鶴欲參禪鷄頭竹上開危徑鴨脚花
中槌廢泉無限吳都堪賞事何如來此看師眠

寄題玉霄峰葉酒象尊師所居

青冥向上玉霄峰元始先生戴紫蓉曉案瓊文光
洞壑夜壇香氣惹杉松閒迎仙客來爲鶴靜喫靈
符去是龍子細捫心無假骨欲隨師去肯相容

在胸者名
入星骨

寄題鏡巖周尊師所居

并序

處州仙都山山之半有洞口下望之如鑑目之
曰鏡巖下去地二百尺上者以竹梯爲級中如

方丈內有乳水滴瀝嵌竊黃老徒周君景復居焉迨八十年不食平粟日唯焚降真香一炷讀靈寶度人經而已東牟良公柯昔爲州日聞其名憚其室以造之且曰君居此久矣乳水之滴晝夜可知量乎周君曰某常揣之盡晝與夜一斛加半焉公異而禮之後柯別十二年日休至吳處人過說周君尚存岑想其道無由以覩因寄題是詩云

八十餘年任鏡巖鹿皮巾下雪髟髟床寒不柰雲
縈枕經潤何妨乳滴函飲澗猿迴窺絕洞緣梯人
歇倚危杉如何計吏窮於鳥欲望仙都舉一帆

寄題羅浮軒轅先生所居

亂峰四百三十二

羅浮山
峰數

欲問徵君何處尋紅翠

山鳥

數聲瑤室響

山有瑤房瑤室七十有二

真檀一炷石樓深

山都遺負沽來酒樵客容看化後金從此謁師知
不遠求官先有葛洪心